



## HE PUKAPUKA POUAKO

# TE TIKANGA Ā-IWI



### TE KAUPAE 1

92080 | Te whakaatu māramatanga ki ngā tikanga Māori e pā ana ki te pupuri me te tuku mātauranga. (Ngā Whiwhinga: E 4)

92081 | Te whakaatu māramatanga ki ngā tirohanga kē ki tētahi take o te wā. (Ngā Whiwhinga: E 4)

**Te Rā Tuku Aromatawai ā-Waho:**  
**Te Wāhanga 4 - I mua i te 28 o Oketopa, 2026.**

# Te Whārangi Ihirangi

He Kete Manarua.....	2
<b>92080 Te whakaatu māramatanga ki ngā tikanga Māori e pā ana ki te pupuri me te tuku mātauranga.</b>	
<b>Te Tūmahi Aromatawai ā-Waho .....</b>	<b>4</b>
He Whakamārama .....	4
Ngā Tohutohu.....	4
Hei Mahi .....	5
Ngā Mahi Hei Tāpae.....	6
<b>Te Paerewa Paetae (92080) .....</b>	<b>7</b>
<b>Te Tautuhinga Aromatawai ā-Waho (92080) .....</b>	<b>10</b>
<b>Te Mahere Aromatawai ā-Waho (92080) .....</b>	<b>13</b>
<b>92081 Te whakaatu māramatanga ki ngā tirohanga kē ki tētahi take o te wā</b>	
<b>Te Tūmahi Aromatawai ā-Waho .....</b>	<b>15</b>
He Whakamārama .....	15
Hei Mahi .....	15
Ngā Mahi Hei Tāpae.....	16
<b>Te Paerewa Paetae (92081) .....</b>	<b>17</b>
<b>Te Tautuhinga Aromatawai ā-Waho (92081) .....</b>	<b>20</b>
<b>Te Mahere Aromatawai ā-Waho (92081) .....</b>	<b>24</b>



## He Kete Manarua

Ko te **KETE** i pū mai i te pā harakeke, ā, he whakapapa tōna.

He **MANA** tōna, ā, e **RUA** hoki ōna āhuetanga. Ko ngā taonga tuku iho ka kohikohia e te ākongā, ka tahi. Ka rua, ko te whakapiki i te mana motuhake o te ākongā, o ōna hapū, o ōna iwi hoki.

He tāpaetanga ā-matihiko te āhua o te **KETE MANARUA** ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau, he aha atu, he aha atu ngā momo tāpaetanga.



## Tikanga ā-Iwi

92080 Te whakaatu māramatanga ki ngā tikanga Māori e pā ana ki te pupuri me te tuku mātauranga.

(Te Kaupae 1, Ngā Whiwhinga e 4)

Kairangi	Kaiaka	Paetae
Ka tātari i ngā ariā matua e ārahi ana i te pupuri me te tuku mātauranga.	Ka whakaahua i ngā ariā matua e ārahi ana i te pupuri me te tuku mātauranga.	Ka tautohu i ngā ariā matua e ārahi ana i te pupuri me te tuku mātauranga.

# Te Tūmahi Aromatawai ā-Waho

He tauira te Tūmahi Aromatawai ā-waho e whai ake nei hei kōwhiringa mā te ākonga. He kete manarua tōna hanga; kei te ākonga te tikanga ki te tutuki i tēnei ngohe “**Mahinga Kai**”, kei tēna whaitua, tēna whaitua kei roto i tōna hapu, tōna iwi mārua rānei.

## He Whakamārama

He **tauira** noa tēnei Tūmahi Aromatawai ā-waho e whai ake nei.

**Mā te kaiako me te ākonga e whiriwhiri**, e tīpako i tētahi **TIKANGA KAUPAPA** i roto i tōna rohe, i tōna whāruarua, i tōna mārua hāpori rānei e hāngai ana ki te **mahinga kai**.

## Te Horopaki - He Mahinga Kai

He maha ngā tikanga Māori e hāngai ana ki te mahinga kai, ko te karakia, ngā mahi whakariterite, te huripoki whenua, te hauhake, te hī ika, te rama tuna, me te whai whakaaro ki te wā o te tau, te marama me ngā tohutohu o te taiao.

Mā te ākonga anō te tūmomo kaupapa mahinga kai e tautohu, mānā hoki ngā kōrero e rangahau, e kohikohi, e tātari kia kitea ai i tōna māramatanga ki te kaupapa. Te tautohu i ngā ariā matua e ārahi ana i te pupuri me te tuku mātauranga Māori.

## Ngā Tohutohu

Ko tā te ākonga mahi ko te tautohu i tētahi horopaki me ōna tikanga e hāngai ana ki te mahinga kai.

He maha ngā tikanga Māori i roto i te ao mahinga kai. He rerekē ngā tikanga a te tāne i tā te wahine. Kōrerohia ēnei.

Ko te whakarite i tētahi whakaaturanga e whakamārama ana i ngā tini **tikanga mō te mahinga kai**.

Mā te ākonga anō ngā kōrero, e kohikohi, e tautohu, e rangahau, **e tātari** kia kitea ai tōna māramatanga ki te kaupapa, ōna ritenga me ngā rerekētanga **mai i ngā wā o mua ki inaianei**.

Mā te whakaaturanga e kite ai te māramatanga a te ākonga ki ngā tukanga, ngā kōrero tuku iho mō te āhuatanga o te mahinga kai. Hei tauira, te whakatipu rīwai, kūmara, me te hauhake,

Mā te tuhinga roa, 250-300, a te ākonga e tautoko i tōna whakaaturanga

I roto i te whakaaturanga a te ākonga ko te reo o āna kairangahau me kī ngā kaumātua, ngā tohunga mahinga kai. Ko te reo a te ākonga, ka ranonga.

Whāia ngā tauira o tōna ake rohe, iwi, hapū, takiwā rānei. Kōrerohia ngā ariā matua e ārahi ana i **te pupuri me te tuku mātauranga**.

## Hei Mahi

- Mā te ākonga e tautohu i ētahi o ngā tikanga ā iwi mō te mahinga kai.
- Mā te ākonga e tātari i te pupuri me te tuku o ērā mātauranga mahi kai.
  - a. Nōhea ēnei mātauranga mahi kai?
  - b. Nā wai ngā mātauranga nei i tuku iho, ā ki a wai hoki?  
*Kōrerohia te hononga whakapapa mehemea e mōhiotia ana.*
  - c. Me pēhea te pupuri i ēnei mātauranga kia toitū?
- Mā te ākonga e whakaatu i ngā momo puna mātauranga hei taunaki i ōna kōrero.  
**Hei tauira;** ngā kōrero tuku iho, ngā uiui, ngā wānanga, ngā pukapuka, te ipurangi, ngā pūrongo, ngā tatauranga, ngā kiriata, ngā rauemi.
- Mā te ākonga e tātari i ngā kohinga kōrero, ka whakatakoto i ngā whakaaro hei tuhinga, kōrero rānei.  
**Kiriata:** Me whakamātau i te kaha o te reo, te mārāma o te kōrero i mua i te tuku mai ki Te Mana Tohu Mātauranga o Aotearoa.
- Mā te ākonga e whakamārama i ngā ariā matua e ārahi ana i te pupuri me te tuku mātauranga mahinga kai.

Hei āwhina i te ākonga ki te whakatakoto i ōna mahi, i ōna whakaaro kua tāpirihia ētahi rauemi **Mahinga Kai**, kōrero tuku iho, kōrero whakahau. Kia matara, mā te ākonga e whakatakoto i ōna mahi, i ōna kitenga e hāngai ana ki ngā kōrero tuku iho o tōna rohe, hapu, mārua.

## Hei whakapūaki i ngā whakaaro

He paki pūmeka:

- » [https://youtu.be/leEfkY\\_q2C8](https://youtu.be/leEfkY_q2C8)
- » Mahinga Kai Tauira 1 - [https://www.instagram.com/reel/DINoIJjJKTa/?utm\\_source=ig\\_web\\_button\\_share\\_sheet&igsh=MWdpMndxanY5OW1wZA==](https://www.instagram.com/reel/DINoIJjJKTa/?utm_source=ig_web_button_share_sheet&igsh=MWdpMndxanY5OW1wZA==)
- » Mahinga Kai Tauira 2 - [https://www.instagram.com/reel/DK-aYFSzqkO/?utm\\_source=ig\\_web\\_copy\\_link&igsh=bHA1OHZzMzhsMHU2](https://www.instagram.com/reel/DK-aYFSzqkO/?utm_source=ig_web_copy_link&igsh=bHA1OHZzMzhsMHU2)
- » Mahinga Kai Tauira 3 - [https://www.instagram.com/reel/DKquNfWTGhv/?utm\\_source=ig\\_web\\_copy\\_link&igsh=M3VldjhrYzU4eW44](https://www.instagram.com/reel/DKquNfWTGhv/?utm_source=ig_web_copy_link&igsh=M3VldjhrYzU4eW44)

## Ngā Mahi Hei Tāpae

Mā te ākongā e whiriwhiri.

- i. He tuhinga e 250-300 kupu te roa.
- ii. He kōrero rānei, e 3 meneti te roa.

## He kōrero mō te Mahere Aromatawai ā-Waho

- Te tū ā-iwi - Te tū, te takahi, te piu, te kori, te pūkana me ngā whakatautau.
- Ngā mahi a Hine-te-rēhia - Ko tā te wahine mahi e rerekē ana i tā te tāne te pao, te karanga.
- Ngā mahi a Tānerore - Ko tā te tāne mahi e rerekē ana i tā te wahine.
- Te mita o te reo - Te tangi, ngā kupu, ngā kīanga, kīwaha me ngā whakataukī.

# Te Paerewa Paetae (92080)

Tau AS92080 Putanga 3 Whārangi 1 o te 3

## Paerewa Paetae

<b>Aronga</b>	Tikanga ā-lwi 1.3		
<b>Ingoa</b>	Te whakaatu māramatanga ki ngā tikanga Māori e pā ana ki te pupuri me te tuku mātauranga		
<b>Kaupae</b>	1	<b>Whiwhinga</b>	4
		<b>Aromatawai</b>	Ā-waho
<b>Marau akoranga</b>	Te Marautanga o Aotearoa		
<b>Kokonga akoranga</b>	Tikanga ā-lwi		
<b>Mana rēhita</b>	Kua rēhitatia	<b>Te rā i mana ai</b>	Hakihea 2023
<b>Te rā e arotakengia ai</b>	Hakihea 2028	<b>Te rā i puta ai</b>	Hakihea 2023

## Te Whāinga

Ko te whāinga o tēnei paerewa paetae he whakaatu māramatanga ki ngā ariā matua e ārahi ana i te pupuri me te tuku mātauranga.

## Paearu Paetae

<b>Paetae</b>	Hei tohu i te paetae: <ul style="list-style-type: none"> <li>• Ka tautohu i ngā ariā matua e ārahi ana i te pupuri me te tuku mātauranga.</li> </ul>
<b>Kaiaka</b>	Hei tohu i te kaiaka: <ul style="list-style-type: none"> <li>• Ka whakaahua i ngā ariā matua e ārahi ana i te pupuri me te tuku mātauranga.</li> </ul>
<b>Kairangi</b>	Hei tohu i te kairangi: <ul style="list-style-type: none"> <li>• Ka tātari i ngā ariā matua e ārahi ana i te pupuri me te tuku mātauranga.</li> </ul>

## Kōrero Āpiti

- 1 I ahu mai tēnei paerewa paetae i te Taumata 6 o Te Marautanga o Aotearoa (Te Tāhuhu o te Mātauranga, 2017). E hono ana ki te Papa Whakaako mō Tikanga ā-lwi kei: <https://ncea.education.govt.nz>.

*Whāinga Paetae**Tikanga ā-lwi*

6.1 Ko te mahi takitahi, ā-rōpū, ā-pūtahitanga rānei, ki te whakatairanga i te tōkeke pāpori me ngā motika tangata.

6.2 Ko te urutau me te rerekē haere o ngā ahurea, me ngā putanga iho o ēnei mō te porihanga.

*Hītori*

6.1 Ko ngā pūtaketanga me ngā otinga o ngā tūāhua o mua i waihanga i te āhua noho a te iwi o Aotearoa.

6.2 He rerekē te titiro a te tangata ki ngā tūāhua o mua e whai tikanga ana ki Aotearoa.

2 E whai ake nei ngā whakamārama mō ngā paearu paetae:

*Ka tautohu i ngā ariā matua e ārahi ana i te pupuri me te tuku mātauranga:*

- Ka tautohu i:
  - ngā ariā matua
  - ngā tikanga, te kawa rānei, e pā ana ki aua ariā
  - ngā tukanga mahi tahi me te take e pēnā ai.

*Ka whakaahua i ngā ariā matua e ārahi ana i te pupuri me te tuku mātauranga:*

- Ka whakaahua i ngā hononga o:
  - ngā ariā matua
  - ngā tikanga, te kawa rānei, e pā ana ki aua ariā
  - ngā tukanga mahi tahi a tēnā whānau ki tēnā whānau, a tēnā hapū ki tēnā hapū me te take e pēnā ai.

*Ka tātari i ngā ariā matua e ārahi ana i te pupuri me te tuku mātauranga:*

- Ka tātari i ngā hononga me te whaitake o:
  - ngā ariā matua
  - ngā tikanga, te kawa rānei, e pā ana ki aua ariā
  - ngā tukanga mahi tahi a tēnā iwi ki tēnā iwi me te take e pēnā ai.

3 E whai ake nei ngā whakamārama mō ngā kupu me ngā kīanga whaitake matua o te paerewa nei:

<i>ngā ariā matua</i>	Koia nei ētahi: <ul style="list-style-type: none"> <li>• te wānanga kaupapa</li> <li>• te whakapapa</li> <li>• te haerenga mai o ngā waka i Hawaiki</li> <li>• te tārai waka</li> </ul>
-----------------------	---

	<ul style="list-style-type: none"> <li>• te tapu me te noa</li> <li>• te mana</li> <li>• te kōrero ā-waha: karanga, pepeha, mihi, whaikōrero, whakataukī/whakatauākī, waiata, tauparapara, mōteatea, pūrākau, pakiwaitara</li> <li>• ngā mahi a Rēhia, a Tānerore: mau rākau, poi</li> <li>• ngā mahi toi: whakairo, kōwhaiwhai, tukutuku, tā moko</li> <li>• ngā mahi a te whare pora: raranga, tāniko, mahi kākahu.</li> </ul>
<i>ngā tikanga</i>	Ko ngā tikanga me ngā ritenga kei te kawea e ngāi Māori i ia ra, i ia rā. Hei whakaata ēnei i ngā whakaaro tuku iho, ā, koia anō hei ārahi i ngā whanonga tika i roto i te ao Māori. Ka rerekē pea te āhua o ngā tikanga me ngā ritenga i tēnā rohe, i tēnā iwi rānei.
<i>te mātauranga</i>	Ko ngā mōhiotanga ki ngā tikanga, ngā kawenga o mua, ō rātou here me ō rātou tapu.
<i>te pupuri me te tuku mātauranga</i>	Ko te mahi tiaki i te mātauranga me te tuku i ērā mātauranga ki tēnā, ki tēnā o ngā iwi, ki ngā kawai whakaheke rānei kia ora rawa atu ai tērā mātauranga.
<i>te kawa</i>	Ko ngā tikanga pūmau, tapu hoki hei whakahaere i tētahi āhuetanga o te ao Māori.

- 4 Arā ngā Tikanga Aromatawai mō tēnei paerewa paetae, kei: <https://ncea.education.govt.nz>.

### Kōrero Whakakapinga

I whakakapingia ngā paerewa 91726-91732 e ngā paerewa 92077, 92079-92081.

### Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

# Te Tautuhinga Aromatawai ā-Waho (92080)



Te Paerewa Paetae	92080
Te Ingoa o te Paerewa Paetae	Te whakaatu māramatanga ki ngā tikanga Māori e pā ana ki te pupuri me te tuku mātauranga
Ngā whiwhinga	E 4
Te Marau	Te Marautanga o Aotearoa: <a href="#">Tikanga ā-Iwi</a>
Te Wāhanga Ako	<a href="#">Te Tukutuku Ako</a>
Te Tukanga Aromatawai ā-Waho	<a href="#">He Kete Manarua</a>
Ngā Momo Tāpaetanga ā-Matihiko	He konae tuhituhi – .PDF (5–20 whārangi) He kiriata – .mp4   .mov (<5GB)
Te Rā Tuku Aromatawai ā-Waho	Hei te 28 o Oketopa 2026
Ngā Wātaka Aromatawai ā-Waho	1. <a href="#">Ngā Rā Aromatawai 2026</a> 2. <a href="#">2026 Examination Timetable</a>

## Te Whāinga o te Aromatawai ā-Waho

Ka aromatawaihia ngā pūkenga rangahau, ngā momo āhuetanga o te mahi rangahau, te āhua o tā te ākongā tātari kaupapa me te mārakerake hoki o ngā ariā matua e ārahi ana i te pupuri me te tuku mātauranga.

Ka rangahaua e te ākongā tētahi tikanga Māori, ka wetewete ai i ngā pānga o te pupuri me te tuku i ōna mātauranga ki tēnā iwi, ki tēnā iwi, ki ngā kawai whakaheke, ki te ao whānui hoki. Me tātari hoki ngā tirohanga o nehe, ā mohoa nei hei taunaki i te mahi rangahau. Ka tautohua, whakaahuatia, tātaritia ngā ariā matua e whakaatu ana, e wetewete ana hoki i aua pānga.

## Te Whakatakotoranga Aromatawai ā-waho

Kotahi anake te tūmahī. Mā te ākongā e whakakao haere ngā taunaki e whakaatuhia ana ōna māramatanga me ngā pārongo mai i tana mahi rangahau, ka mutu ka raua ki tētahi kōpaki. Me kite te kounga o te reo rangahau, te kounga o te kōrero me āna mahi tātari.

Ka whakaatu te ākongā i te tukanga rangahau o ngā mahi katoa:

- Ko ngā tikanga Māori me ngā tirohanga Māori huhua,
- Ko ngā puna kōrero whānui me āna kupu whakamihi,
- Ko ngā kohinga kōrero/tatauranga e kōtui ana i te whakaaro,
- Ko te whakaponotanga o ngā whakaaro, pēnei i te taukumekume,
- Ko te tūhonotanga o te kaupapa ki te ākongā.

Ko ngā taunakitanga hei whakauru pea ki te Kōpaki Putanga Ako ko te:

- uiui - kaumātua, tāngata o te hāpori, kaiako, mātanga, tohunga, (a wai atu rānei),
- kōrero tuku iho - pūrākau, niupepa, whakairo, tukutuku, mōteatea,
- whare pukapuka,
- whare Pupuri Taonga,
- te ipurangi.

## Ngā Taunakitanga

Kei te ākongā me tōna Kaiako te āhua o te whakaatu māramatanga ki ngā tikanga māori e pā ana ki te pupuri me te tuku mātauranga. Kei tēna whaitua, tēna whaitua āna kōrero taketake.

Ka whiriwhiri te ākongā i tētahi kaupapa i te ao Māori hei whakaatu i ōna māramatanga ki ngā tikanga Māori e pā ana ki taua kaupapa.

He reo ā-iwi te momo, ā, he kaupapa e kōrero ana mō tētahi tikanga, mō tētahi kaupapa rānei o te ao Māori.

E 3-4 ngā kaupapa kōrero hei tuhituhi (kia kua e iti iho i te 300 kupu te roa), hei kōrero ā-waha rānei mā te ākongā (kia kua e iti iho i te 3 meneti te roa).

He kiriata (*rānei*):

- He kōrero ā-waha e 3 meneti neke atu rānei te roa.
- He konae kiriata tōna āhua - **mp4 | mov | 5GB; te oro; te kiriata rānei.**

He tuhinga (*rānei*):

- He tuhinga e 300 kupu neke atu rānei te roa.
- He konae tuhituhi – **PDF (5-20 whārangi)**

## Ngā Herenga Aromatawai ā-Waho

He mahi takitahi tēnei mahi me te whakatakoto taunakitanga mō te aromatawai ā-waho mā te ākongā. Kia tutuki pai ai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te Online Digital Submission Portal;
- me tika te whakaraupapatanga o ngā mahi;
- me tika te whakatakotoranga o ngā mahi (kia kua e noho tītaha, e huripoki rānei);
- me tāmāu te kiriata ki te tītōhunga ata, otirā, kāore e whakaetia ana te tukunga o te honongaitua i tōna kotahi.

[Using the new digital submission portal.](#)

## Te Motuhēhē o ngā mahi o ngā ākongā

Me pēhea e mōhiotia ai te motuhēhē o ngā mahi a ngā ākongā? He tukanga, he taunakitanga me whai, e mōhiotia ai nā te ākongā ake āna mahi aromatawai ā-waho. Kia mataara ngā ākongā, ngā kaiako me te whānau hoki o te kura ki te motuhēhē o ngā mahi a ngā ākongā.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākongā.

#### Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki ngā puna āwhina, ki ngā puna kōrero;
- Ngā momo puna awhina, puna kōrero rānei:
  - » he kōrero ā-waha: he uiui i ngā kaumātua, i ngā pakeke, i ngā rangatira, i ngā mātanga rānei;
  - » ngā pukapuka i whakaputaina;
  - » ngā pukapuka kāore anō i whakaputaina;
  - » ngā wāhitau ipurangi, ngā honongaitua rānei.

He kōrero anō kei ngā paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

## Te Tāpaetanga me te Hāponotanga

Ko ngā tāpaetanga Kete Manarua me mahi mā te pūnaha hou (kei te paetukutuku matua o MyNZQA): [Tāpaetanga pūnaha hou a MyNZQA.](#)

Kāore te Kete Manarua matihiko e whakahokia ki te ākongā. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina te kura ki te tuku i ngā tāpaetanga o te Kete Manarua:

- Īmērahia a [assessment.servicecentre@nzqa.govt.nz](mailto:assessment.servicecentre@nzqa.govt.nz),
- waeahia rānei te NZQA Contact Centre i te 0800 687 296.

# Te Mahere Aromatawai ā-Waho (92080)

Tikanga ā-lwi 92080: Te whakaatu māramatanga ki ngā tikanga Māori e pā ana ki te pupuri me te tuku mātauranga

Hei tohu i te Kairangi	Hei tohu i te Kaiaka	Hei tohu i te Paetae
Ka tātari i ngā ariā matua e ārahi ana i te pupuri me te tuku mātauranga.	Ka whakaahua i ngā ariā matua e ārahi ana i te pupuri me te tuku mātauranga.	Ka tautohu i ngā ariā matua e ārahi ana i te pupuri me te tuku mātauranga.

## Te Taunaki i te Aromatawai

	Kairangi	Kaiaka	Paetae
<b>Ngā Tikanga Tuku iho</b>	<ul style="list-style-type: none"> <li>Ka tātari i tētahi horopaki me ngā tikanga e hāngai ana ki te Kaupapa a te aromatawai.</li> <li>E kite ai i ōna pūkenga wetewete, kaupapa, kōrero rānei.</li> </ul>	<ul style="list-style-type: none"> <li>Ka whakaahua i tētahi horopaki me ngā tikanga e hāngai ki te Kaupapa, ki tōna rohe, hapu, mārua, iwi rānei</li> </ul>	<ul style="list-style-type: none"> <li>Ka tautohu i tētahi horopaki me ngā tikanga e hāngai ana ki te Kaupapa.</li> <li>E kite ai tōna māia ki ngā kōrero tuku iho.</li> </ul>
<b>Ngā Ariā Matua</b>	<ul style="list-style-type: none"> <li>Ka tātari i ngā ariā matua e ārahi ana i te pupuri me te tuku o te mātauranga Māori.</li> <li>Ka kitea te mōhio me te matū o ngā wheako e pūāwai mai ai ōna whakaaro.</li> </ul>	<ul style="list-style-type: none"> <li>Ka whakaahua i ngā ariā matua e ārahi ana i te pupuri me te tuku o te mātauranga Māori.</li> <li>Ka tika te nuinga o te whakaputa reo, he tū āhua whakamahuki kei te kitea.</li> </ul>	<ul style="list-style-type: none"> <li>Ka tautohu i ngā ariā matua e ārahi ana i te pupuri me te tuku o te mātauranga Māori.</li> <li>Ka hāngai te nuinga o ngā whakaraupapa whakaaro.</li> </ul>
<b>Kauhau/ Tuhinga</b>	<ul style="list-style-type: none"> <li>Ka tātari i ngā tikanga me ngā ariā matua mā te tuhinga, kauhau rānei.</li> <li>Ka whakaatu i te hōhonutanga o te whakaaro.</li> </ul>	<ul style="list-style-type: none"> <li>Ka whakaahua i ngā tikanga me ngā ariā matua mā te tuhinga, kauhau rānei.</li> </ul>	<ul style="list-style-type: none"> <li>Ka tautohu i ngā tikanga me ngā ariā matua mā te tuhinga, kauhau rānei.</li> </ul>

## Ngā whakatau iho

Kairangi	Kaiaka	Paetae	Kāore i whiwhi
7 - 8	5 - 6	3 - 4	0 - 2



# Tikanga Ā-Iwi

92081 Te whakaatu māramatanga ki ngā tirohanga kē ki tētahi take o te wā

(Te Kaupae 1, Ngā Whiwhinga e 4)

Kairangi	Kaiaka	Paetae
Ka tātari i ngā tirohanga kē ki tētahi take o te wā.	Ka whakaahua i ngā tirohanga kē ki tētahi take o te wā.	Ka tautohu i ngā tirohanga kē ki tētahi take o te wā.

# Te Tūmahi Aromatawai ā-Waho

He taura te Tūmahi Aromatawai ā-waho e whai ake nei hei kōwhiringa mā te ākonga. He kete manarua tōna hanga; kei te ākonga te tikanga ki te tutuki i tēnei ngohe “**Kia kaha te reo Māori**”, kei tēna whaitua, tēna whaitua kei roto i tōna hapu, tōna iwi mārua rānei.

## Te Horopaki - Kia kaha te reo Māori

E mōhiotia whānuitia ana e tātou, ko tō tātou reo Māori te timatanga me te whakaotinga o te ao Māori. Kāore i kō atu, kāore hoki i kō mai. Ka mutu, he maha ngā kaupapa whakarauora reo Māori kua whakatūngia i roto i ēnei rima tekau tau kua pahure ake. Arā, ko Te Wiki o Te Reo Māori, ko Mahuru Māori, ko nga Kōhanga Reo, ko nga Kura Kaupapa, ko te Petihana Reo Māori, ko ngā Taihana Reo-Irirangi Māori, ko Whakaata Māori, ā, ko ngā Kura Reo hoki.

Ā tērā tau, ka eke ki te whā tekau tau mō te ture reo Māori ka noho hei reo matua o Aotearoa. E mōhiotia whānuitia ana e rua ngā reo ōkawa ā-ture o Aotearoa, arā ko te reo Māori me te reo Rotarota. Heoi anō, ahakoa ēnei kaupapa whakahirahira kua kōrerotia, kei te pēhitia tonutia te reo Māori. Ka mutu, i tēnei wā, kei te panapana tonu tō tātou reo Māori kia noho ko te reo Ingarihi hei reo mātāmua i tēnā o te reo Māori.

## Hei Mahi

1. Kōwhiria tētahi take reo Māori.
2. Tautohua ngā āhuatanga matua o te take nei.
3. Tātarihia ngā tirohanga matua ki te take, arā ki ngā mahinga i hua ake, i runga anō i te rerekē o ngā tirohanga a tēnā, me tēnā.
4. Tātarihia hoki ngā tūāhua ā-rohe, ā-motu, ā-ao whānui rānei e whai pānga ana ki tētahi rōpū, ki tētahi whānau, ki tētahi hapū, ki tētahi iwi rānei.
5. Me whaiwhakaaro ki tā te tangata titiro rerekē, te waiaro, te whakapono rānei ki te take, ki te tūāhua rānei.
6. Whakaritehia tētahi whakaaturanga ā-waha, ā-tuhi rānei hei whakaatu māramatanga ki ngā tirohanga kē ki te take reo Māori kua kōwhiria.
7. Ka taea te mahi takitahi, ā-rōpū, ā-pūtahitanga rānei, ki te rangahau kōrero me te whakarite mahi, engari me mātua takitahi te whakatakoto taunakitanga mō tēnei aromatawai ā-waho.

## Ngā Mahi Hei Tāpae

- He whakaaturanga ā-waha (**e 3 meneti te roa**), he whakaaturanga ā-tuhi rānei (**e 250-300 kupu te roa**).
- Tāpirihia he taunakitanga, arā he pārongo whakairoiro, he kohinga whakaahua me ōna whakamārama, he hopukanga kōrero, he kiriata, he rauata, he tuhinga, he whakaaturanga, he rātaka, he pakipūmeka, he uiui, he kōrero tuku iho, he mahi toi, he aha atu, he aha atu.

HEI TAUIRA

# Te Paerewa Paetae (92081)

**Tau** AS92081      **Putanga** 3      **Whārangi** 1 o te 3

## Paerewa Paetae

<b>Aronga</b>	Tikanga ā-lwi 1.4		
<b>Ingoa</b>	Te whakaatu māramatanga ki ngā tirohanga kē ki tētahi take o te wā		
<b>Kaupae</b>	1	<b>Whiwhinga</b>	4
		<b>Aromatawai</b>	Ā-waho
<b>Marau akoranga</b>	Te Marautanga o Aotearoa		
<b>Kokonga akoranga</b>	Tikanga ā-lwi		
<b>Mana rēhita</b>	Kua rēhitatia	<b>Te rā i mana ai</b>	Hakihea 2023
<b>Te rā e arotakengia ai</b>	Hakihea 2028	<b>Te rā i puta ai</b>	Hakihea 2023

## Te Whāinga

Ko te whāinga o tēnei paerewa paetae he whakaatu māramatanga ki ngā tirohanga kē ki tētahi take o te wā.

## Paearu Paetae

<b>Paetae</b>	Hei tohu i te paetae: <ul style="list-style-type: none"> <li>• Ka tautohu i ngā tirohanga kē ki tētahi take o te wā.</li> </ul>
<b>Kaiaka</b>	Hei tohu i te kaiaka: <ul style="list-style-type: none"> <li>• Ka whakaahua i ngā tirohanga kē ki tētahi take o te wā.</li> </ul>
<b>Kairangi</b>	Hei tohu i te kairangi: <ul style="list-style-type: none"> <li>• Ka tātari i ngā tirohanga kē ki tētahi take o te wā.</li> </ul>

## Kōrero Āpiti

- 1 I ahu mai tēnei paerewa paetae i te Taumata 6 o Te Marautanga o Aotearoa (Te Tāhuhu o te Mātauranga, 2017). E hono ana ki te Papa Whakaako mō Tikanga ā-lwi kei: <https://ncea.education.govt.nz>.

*Whāinga Paetae**Tikanga ā-Iwi*

6.1 Ko te mahi takitahi, ā-rōpū, ā-pūtahitanga rānei, ki te whakatairanga i te tōkeke pāpori me ngā motika tangata.

6.2 Ko te urutau me te rerekē haere o ngā ahurea, me ngā putanga iho o ēnei mō te porihanga.

*Hītori*

6.1 Ko ngā pūtakeanga me ngā otinga o ngā tūāhua o mua i waihanga i te āhua noho a te iwi o Aotearoa.

6.2 He rerekē te titiro a te tangata ki ngā tūāhua o mua e whai tikanga ana ki Aotearoa.

2 E whai ake nei ngā whakamārama mō ngā paearu paetae:

*Ka tautohu i ngā tirohanga kē ki tētahi take o te wā:*

- Ka tautohu i:
  - ngā tirohanga matua ki te take
  - ngā take i pērā ai tēnā tirohanga me tēnā
  - ngā mahinga i hua ake i aua tirohanga.

*Ka whakaahua i ngā tirohanga kē ki tētahi take o te wā:*

- Ka whakaahua i:
  - ngā tirohanga matua ki te take
  - ngā take i rerekē ai tēnā tirohanga me tēnā
  - ngā mahinga i hua ake i aua tirohanga.

*Ka tātari i ngā tirohanga kē ki tētahi take o te wā:*

- Ka tātari i:
  - ngā tirohanga matua ki te take
  - ngā mahinga i hua ake, i runga anō i te rerekē o ngā tirohanga a tēnā, me tēnā.

3 E whai ake nei ngā whakamārama mō ngā kupu me ngā kīanga whaitake matua o te paerewa nei:

<i>take o te wā</i>	<p>He take, he tūāhua ā-rohe, ā-motu, ā-ao whānui rānei e whai pānga ana ki tētahi rōpū. Hei tauira:</p> <ul style="list-style-type: none"> <li>• he tūāhua hītori, tōrangapū, pāpori, ohaoha, porihanga</li> <li>• he whanaketanga, he kōkiritanga ā-iwi.</li> </ul>

<i>tirohanga</i>	Ko tā te tangata tirohanga, ōna waiaro, tōna whakapono rānei ki tētahi take, whakaaro rānei. Kei reira anō pea ngā take i pērā ai tana tirohanga, tae atu ki ngā mahinga, ētahi urupare rānei i puta ake.
<i>ngā mahinga i hua ake</i>	He mahi i ara ake i te tirohanga a tētahi tangata/rōpū ki tētahi take, tūāhua rānei. Ko ētahi momo mahinga: <ul style="list-style-type: none"> <li>• he tohetohe, he porotēhi, he porotū rānei</li> <li>• he tautohetohe, he pakanga rānei</li> <li>• he whakarerekē ture</li> <li>• te whakawehenga, te whakakotahitanga ā-iwi.</li> </ul>

- 4 Arā ngā Tikanga Aromatawai mō tēnei paerewa paetae, kei:  
<https://ncea.education.govt.nz>.

---

### Kōrero Whakakapinga

I whakakapingia ngā paerewa 91726-91732 e ngā paerewa 92077, 92079-92081.

---

### Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233

---

# Te Tautuhinga Aromatawai ā-Waho (92081)



Te Paerewa Paetae	92081
Te Ingoa o te Paerewa Paetae	Te whakaatu māramatanga ki ngā tirohanga kē ki tētahi take o te wā
Ngā whiwhinga	E 4
Te Marau	Te Marautanga o Aotearoa: <a href="#">Tikanga ā-lwi</a>
Te Wāhanga Ako	<a href="#">Te Tukutuku Ako</a>
Te Tukanga Aromatawai ā-Waho	<a href="#">He Kete Manarua</a>
Ngā Momo Tāpaetanga ā-Matihiko	He konae tuhituhi – .PDF (5–20 whārangi) He kiriata – .mp4   .mov (<5GB)
Te Rā Tuku Aromatawai ā-Waho	Hei te 28 o Oketopa 2026
Ngā Wātaka Aromatawai ā-Waho	1. <a href="#">Ngā Rā Aromatawai 2026</a> 2. <a href="#">2026 Examination Timetable</a>

## Te Whāinga o te Aromatawai ā-Waho

He whakaatu māramatanga ki ngā tirohanga kē ki tētahi take o te wā. Ka rangahaua e te ākongā tētahi take taiao hei whakaatu māramatanga ki ngā tirohanga kē o te wā.

Ko tā te tangata tirohanga e kōrerotia nei, ko ōna waiaro me tōna whakapono ki tētahi take taiao, ki tētahi whakaaro rānei. Kei reira anō pea ngā take i pērā ai tana tirohanga, ā, e hua mai ai i ngā mahi, i ētahi urupare rānei.

Arā anō ētahi tauira o ngā take taiao o te wā; he tūāhua ā-rohe, ā-motu, ā-ao whānui rānei e whai pānga ana ki tētahi rōpū, he tūāhua hītori, tōrangapū, pāpori, ohaoha, porihanga, he whanaketanga, he kōkiritanga ā-iwi rānei, he tohetohe, he porotēhi, he porotū, he tautohetohe, he pakanga, he whakarerekē ture.

## Te Whakatakotoranga Aromatawai ā-waho

Kotahi anake te tūmahī. Me whakarite te ākongā i tētahi Kete Manarua. Ko tā te ākongā mahi he whakarite i tētahi whakaaturanga kōrero ā-waha, ā-tuhi rānei e kitea ai ōna māramatanga ki ngā tirohanga rerekē ki tētahi take taiao o te wā.

Ka whai whakaaro te ākonga ki:

- tētahi take taiao o te wā - arā, he tūāhua ā-rohe, ā-motu, ā-ao whānui rānei e whai pānga ana ki tētahi rōpū.
- tā te tangata tirohanga rerekē, ko te waiaro, te whakapono rānei ki tētahi take taiao, o te wā.
- tētahi āhuatanga i ara ake rā i te titiro a tētahi tangata/rōpū ki tētahi take taiao, ki tētahi tūāhua rānei.

## Ngā Taunakitanga

He kiriata (*rānei*):

- He kōrero ā-waha e 3 meneti neke atu rānei te roa.
- He konae kiriata tōna āhua - **mp4 | mov | 5GB; te oro; te kiriata rānei.**

He tuhinga (*rānei*):

- He tuhinga e 300 kupu neke atu rānei te roa.
- He konae tuhituhi – **PDF (5-20 whārangi)**

## Ngā Herenga Aromatawai ā-Waho

He mahi takitahi tēnei mahi me te whakatakoto taunakitanga mō te aromatawai ā-waho mā te ākonga. Kia tutuki pai ai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te Online Digital Submission Portal;
- me tika te whakaraupapatanga o ngā mahi;
- me tika te whakatakotoranga o ngā mahi (kia kua e noho tītaha, e huripoki rānei);
- me tāmau te kiriata ki te tītohunga ata, otirā, kāore e whakaaetia ana te tukunga o te honongaitua i tōna kotahi.

[Using the new digital submission portal.](#)

## Te Motuhēhē o ngā mahi o ngā ākonga

Me pēhea e mōhiotia ai te motuhēhē o ngā mahi a ngā ākonga? He tukanga, he taunakitanga me whai, e mōhiotia ai nā te ākonga ake āna mahi aromatawai ā-waho. Kia mataara ngā ākonga, ngā kaiako me te whānau hoki o te kura ki te motuhēhē o ngā mahi a ngā ākonga.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākonga.

**Hei tauira:**

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki ngā puna āwhina, ki ngā puna kōrero;
- Ngā momo puna awhina, puna kōrero rānei:
  - » he kōrero ā-waha: he uiui i ngā kaumātua, i ngā pakeke, i ngā rangatira, i ngā mātanga rānei;
  - » ngā pukapuka i whakaputaina;
  - » ngā pukapuka kāore anō i whakaputaina;
  - » ngā wāhitau ipurangi, ngā honongaitua rānei.

He kōrero anō kei ngā paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

## Te Tāpaetanga me te Hāponotanga

Ko ngā tāpaetanga Kete Manarua me mahi mā te pūnaha hou (kei te paetukutuku matua o MyNZQA): [Tāpaetanga pūnaha hou a MyNZQA](#).

Kāore te Kete Manarua matihiko e whakahokia ki te ākongā. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina te kura ki te tuku i ngā tāpaetanga o te Kete Manarua:

- Īmērahia a [assessment.servicecentre@nzqa.govt.nz](mailto:assessment.servicecentre@nzqa.govt.nz),
- waeahia rānei te NZQA Contact Centre i te 0800 687 296.



# Te Mahere Aromatawai ā-Waho (92081)

Tikanga ā-lwi 92081: Te whakaatu māramatanga ki ngā tirohanga kē ki tētahi take o te wā.

Hei tohu i te Kairangi	Hei tohu i te Kaiaka	Hei tohu i te Paetae
Ka tātari i ngā tirohanga kē ki tētahi take o te wā.	Ka whakaahua i ngā tirohanga kē ki tētahi take o te wā.	Ka tautohu i ngā tirohanga kē ki tētahi take o te wā.

## Te Taunaki i te Aromatawai ā-Waho

Kairangi	Kaiaka	Paetae
<ul style="list-style-type: none"> <li>• Ka tātari i ngā tirohanga matua ki te take.</li> <li>• Ka tātari i ngā mahinga i hua ake, i runga anō i te i rerekē o ngā tirohanga a tēnā, me tēnā.</li> </ul>	<ul style="list-style-type: none"> <li>• Ka whakaahua i ngā tirohanga matua ki te take.</li> <li>• Ka whakaahua i ngā take i rerekē ai tēnā tirohanga me tēnā.</li> <li>• Ka whakaahua i ngā mahinga i hua ake i aua tirohanga.</li> </ul>	<ul style="list-style-type: none"> <li>• Ka tautohu i ngā tirohanga matua ki te take</li> <li>• Ka tautohu i ngā take i pērā ai tēnā tirohanga me tēnā.</li> <li>• Ka tautohu i ngā mahinga i hua ake i aua tirohanga.</li> </ul>

## Ngā whakatau iho

Kairangi	Kaiaka	Paetae	Kāore i whiwhi
7 - 8	5 - 6	3 - 4	0 - 2